



## Universitätsbibliothek Paderborn

**Joannis Ludovici Schönleben, Carnioli Labacensis, SS.  
Theologiae Doctoris, Protonotarij Apostolici,  
Archi-Diaconi Carnioliae Inferioris. Horae Subsecivae  
Dominicales. Sive Discursus Sacri De Tempore ...**

Cum quadruplici Indice I. Discursuum. II. Locorum Sacrae Scripturae. III.  
Rerum & Verborum. IV. Historiarum & Mythologiarum

Pars Hyemalis Et Verna Ab Adventu Ad Pentecosten. - Insertis aliquot  
Allocutionibus Academicis

**Schönleben, Johann Ludwig**

**Salisburgi, 1676**

Præmonitio ad Lectorem.

[urn:nbn:de:hbz:466:1-47077](#)

Præmonitio ad Lectorem.

*Sen. lib. I.  
de tranq.  
c. 3.*

*Virgil.  
Georg. 3.*

*Camerar.  
Bisciola.  
Plin.  
Præf. nat.  
bist.*

*Plin. lib. I.  
Epistol.*

*Greg. Na-  
zianz.  
orat. I.*

*Ennod.  
Ep.*



Ulla sumptuosior jactura est , quām temporis,  
nulla facilior, nulla communior. *Alij parce illo u-*

*timur, alij prodigē: alij sic impendimus, ut possimus*

*rationem reddere: alij ut nullas habeamus reliquias.*

Nullus omnino est, cui non aliquid elabatur,  
quantumcunq; avarè id conservet. Dimidium ferè nobis  
abripit somnus. Ex reliquo maiorem partem sibi vendicant  
euræ corporis, amicorum, domesticorum, & pro vitæ condi-

*tione negotia sæpè necessaria, sæpè inutilia:*

*Et fugit interea, fugit irreparabile tempus.*

Quotusquisq; est, qui citra veri periculum dicere potest :  
*Nulla HORA sine linea ? Opus est assiduo Labore, & Vigilantia,*  
& cui multum deperditum est, reliquum saltem quod super-  
est, custodiendum. Ego fugax retinere, & avolanti HORAS  
aliquot subtrahere, easq; nocturnas potius quām diurnas co-  
natus sum : Et quia plurimis alijs occupationibus interruptas,  
ideò SUBSECIVAS voco, aliorum ante me exemplo, qui &  
Succivas appellant. Plinius secundus de se : *Occupati officijs*  
*succivas temporibus ista curamus &c. Dum ista musinamur pluribus*  
*HORIS vivimus. Profecto enim vita vigilia est. Quasi non ag-*  
nosceret vitam in dormiente. Otiosam aliquis hanc dicet oc-  
cupationem, cum innumeri alijs melioris notæ, doctrinæ, e-  
ruditionis, elegantiæ quotidie prodeant scriptores. At ego  
cum Attilio sentio, qui facetissimè ( ut alibi Plinius ) & erudi-  
tissimè dixit : *Satius est otiosum esse, quam nihil agere. Non scribo*  
*doctis, & re libraria instructis, sed rudioribus, & quibus li-*  
*brorum curta supellex : nec omnia omnibus personis, locis*  
*temporibus. Illis me non accenseo, de quibus Nazianzenus :*

*Sunt qui fragmentorum venustate, verborumq; lenocinio, quasi pre-  
stigijs quibusdam aures animosq; ludificant. Neq; illis qui timent  
vitia carpere, ne carpantur, & Satyrici potius quām veridici  
audiant. Non carpet carpentem vitia, quem vitij conscientia  
non accusat. Multis ingeminare possis illud Ennodij : *Puchra*  
*sunt quæ scribis, sed ego plus amo fortia ; redimita sunt floribus, sed**

)( 2

po-

## Præmonitio ad Lettorem.

pōma plus diligo.. Primum Ecclesiastæ munus est in vītia deto-  
nare. Extirpanda sunt prius mala, ut locum inveniant bona.  
Quid agat cui licitum non sit vera loqui ? qui non audeat ob-  
sequi Apostolo monenti : *Argue, obsecra, increpa* ? Nihil ego  
supra fidem humanam sciens adstruo : quod reprehendo, fie-  
ri posse, & ( si non passim ) alicubi subinde fieri, nullus sapi-  
ens negaverit : nuspiciam ad particularia, & individua digre-  
dior. Si quid latè patens attingo, fidem meam obligo : & si  
quæ exaggeratiū dicere videor, apud alios Authores proba-  
tos vel eadem, vel similia, vel graviora monstrare volo. Mo-  
res corruptos ingemisco ; & hæc est querela à condito mun-  
do. Erras ( inquit Seneca ) si existimas nostri seculi esse vitium,  
*luxuriam, & negligentiam boni moris, & alia quæ obijcit suis*  
quisq; temporibus. Hominum sunt ista, non temporum : nulla ætas  
vacavit à culpa. Semper verum fuit quod aiebat Plutarchus,  
& nunc est : *Volunt homines ita præceptum esse ut agunt, non ita*  
*agere, uti præceptum est.* An ergo ideo tacendum Ecclesiastæ ?  
Si navem laxatis compagibus irrumpit aqua magno impetu,  
num feriatur nauta, aut potius foramina obstruit, sentinam e-  
gerit, resistit ? an quia quantum exhaustum est illico subnasci-  
tur, laborem intermittit ? *Lento adiutorio opus est contra mala*  
*continna & fæcunda, non ut desinant, sed ne vincant.* Sepono nunc  
Censores, qui præter sua nihil probant, & subinde quoniam si-  
militudinem desperant, eorum affectant simultatem, ut aiebat Apu-  
leius. Hos quippe non metuo. Cum multos habeam similes,  
omnium etiam me libenter discipulum profiteor ; ut vel ita  
inter amatores sapientiæ numerer. Hebræorum sapiens pla-  
citum est : *illum sapientem esse qui ab omni homine discit.* Illud ta-  
men discere non cupio, ut in scriptore quem novi, carpam  
magno privati affectus argumento, quod in ignoto proba-  
rem. Fortè & hæc cuiquam non placet præmonitio ? Summa-  
tim itaq; moneo, qui vel non affers indifferentem affectum,  
vel non legisti quos allego, vel verum dici Tibi & alijs non  
vis, ne me lege. De methodo hoc habeo : ambages rescindo,  
amplificationes oratorias tibi relinqu, materiam ferè à lon-  
gè ostendo ; projicio, non colloco. Fruere si placet & vale ;  
si non placet, etiam vale.

Senec. Ep.  
97.

Plut. de  
puer. e-  
ducat.

Sen. de  
Ira. lib.  
2. c. 10.  
Apul. in  
Flor.

Hebr. in  
Pircke  
anoth. c. 4.

)() ( 3 Au-